

CYNGOR SIR YNYS MÔN

Templed Adroddiad Sgriwtini

Pwyllgor:	Sgriwtini Corfforaethol
Dyddiad:	16 Tachwedd 2021
Pwnc:	Adroddiad Monitro'r Cerdyn Sgorio – Chwarter 2 (2021/22)
Pwrpas yr Adroddiad:	Herio Perfformiad
Cadeirydd Sgriwtini:	Cyng Aled M Jones
Aelod(au) Portfolio:	Cyng Dafydd Rhys Thomas
Pennaeth Gwasanaeth:	Carys Edwards
Awdur yr Adroddiad: Rhif Ffôn: E-bost:	Gethin Morgan 01248 752111 GethinMorgan@anglesey.gov.uk
Aelodau lleol:	Amherthnasol

1. – Argymhelliad/ion

1.1 Hwn yw'r ail cerdyn sgorio ar gyfer y flwyddyn ariannol 2021/22 ar olaf ond un fel rhan o'r weinyddiaeth bresennol. Caiff ei ystyried o fewn y cyd-destun sydd yn cydnabod yr heriau ehangach oedd ar ofyn y Cyngor yn Ch2 yn sgil effaith y pandemig.

1.2 Mae'n dangos safle'r Cyngor yn erbyn ei amcanion gweithredol fel yr amlinellwyd ac y cytunwyd arnynt ynghynt yn y flwyddyn.

1.3 Gofynnir i'r Pwyllgor graffu ar y cerdyn sgorio a nodi'r meysydd y mae'r Uwch Dîm Arweinyddiaeth yn eu rheoli i sicrhau gwelliannau i'r dyfodol.

Gellir crynhoi'r rhain fel a ganlyn –

1.3.1. Cydnabod a rheoli tanberfformiad a chymryd camau lliniaru i gynorthwyo gwelliant yn ystod Ch3 a chadw llygaid barcud ar y dangosyddion a effeithir arnynt gan bandemig y coronafeirws ar hyn o bryd.

1.4. Gofynnir i'r pwyllgor dderbyn y mesurau lliniaru a amlinellir uchod.

2 – Cyswllt efo Cynllun y Cyngor / Blaenoriaethau Corfforaethol Arall

Yn cael ei ddefnyddio fel rhan o broses monitro Cynllun y Cyngor yn flynyddol gan fod y dangosyddion wedi'i cyd-blethu gydag amcanion llesiant y gorfforaeth.

3 – Egwyddorion Fel Canllaw ar gyfer Sgriwtini

Er mwyn cynorthwyo Aelodau wrth graffu ar y pwnc:-

- 3.1** Yr effaith y mae'r eitem yn ei chael ar unigolion a chymunedau [ffocws ar y cwsmer/dinesydd]
- 3.2** Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd [ffocws ar werth]
- 3.3** Edrych ar unrhyw risgiau [ffocws ar risg]
- 3.4** Sgriwtini'n cymryd rôl rheoli perfformiad neu sicrhau ansawdd [ffocws ar berfformiad ac ansawdd]
- 3.5** Edrych ar gynlluniau a chynigion o safbwynt:
- Hirdymor
 - Atal
 - Integreiddio
 - Cydweithio
 - Cynnwys
- [ffocws ar lesiant]
- 3.6** Effeithiau posibl y byddai'r penderfyniad hwn yn ei gael ar:
- y grwpiau a warchodir o dan Ddeddf Cydraddoldeb 2010
 - y rhai sy'n profi anfantais economaidd-gymdeithasol yn eu bywydau (wrth wneud penderfyniadau strategol)
 - y cyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg
- [ffocws ar gydraddoldeb a'r Gymraeg]

4 - Cwestiynau Sgriwtini Allweddol

- 4.1 I ba raddau mae Covid-19 yn parhau i gael effaith ar berfformiad gwasanaethau'r Cyngor?
- 4.2 Pa drefniadau sydd ar waith i liniaru'r tan berfformiad a adroddir yn erbyn rhai o'n dangosyddion perfformiad yn ystod Chwarter 2? Oes trefniadau monitro cynnydd mewn lle?

5 – Cefndir / Cyd-destun

- 5.1 Mae'n ofynnol i Gyngor Sir Ynys Môn roi trefniadau ar waith i gael dealltwriaeth effeithiol o anghenion a blaenoriaethau lleol, ac i wneud y defnydd gorau o'r adnoddau a'r capasiti sydd gennym i gyflawni'r anghenion a'r blaenoriaethau hynny a gwerthuso effaith yr hyn a wnawn.
- 5.2 Mae Cynllun y Cyngor ar gyfer 2017 i 2022 yn nodi'r anghenion a'r blaenoriaethau lleol a'n hamcanion llesiant ar gyfer y cyfnod ar y cyd â'n Dogfen Gyflawni Flynyddol 2020-22.
- 5.3 Defnyddir yr adroddiad monitro hwn ar y cerdyn sgorio fel rhan o'r broses i fonitro llwyddiant ein Dangosyddion Perfformiad Allweddol (DPA), sef cyfuniad o ddangosyddion lleol a chenedlaethol, wrth i'r Cyngor ddarparu ei wasanaethau o ddydd i ddydd.

- 5.4 Hwn yw'r cerdyn sgorio olaf ond un ar gyfer y Cyngor etholedig hwn cyn yr Etholiadau Llywodraeth Leol ym mis Mai 2022.
- 5.5 Mae'r cerdyn sgorio (atodiad 1) yn portreadu'r sefyllfa ar ddiwedd Chwarter 2 a bydd yn cael sylw pellach (ynghyd â'r adroddiad hwn) gan y Pwyllgor Sgriwtini Corfforaethol a'r Pwyllgor Gwaith yn ystod mis Tachwedd 2021.

6 – Asesiad o'r Effaith ar Gydraddoldeb [gan gynnwys effeithiau ar yr Iaith Gymraeg]

6.1 Yr effeithiau posibl ar y grwpiau a warchodir o dan Ddeddf Cydraddoldeb 2010

Amherthnasol

6.2 Yr effeithiau posibl ar y rhai sy'n profi anfantais economaidd-gymdeithasol yn eu bywydau (penderfyniadau strategol)

Amherthnasol

6.3 Yr effeithiau posibl ar y cyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg

Amherthnasol

7 – Oblygiadau Ariannol

Nodir yn yr adroddiad y sefyllfa ariannol diwedd Ch2.

8 – Atodiadau

Atodiad A - Cerdyn Sgorio Chwarter 2

9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):

Adroddiad Monitro Cerdyn Sgorio 2021/22 – Chwarter 1 (fel y cyflwynwyd ef i'r Pwyllgor Gwaith ym mis Medi 2021 ac a dderbyniwyd ganddo.)

Dogfen Cyflawni Blynyddol 2020-22

Cynllun y Cyngor 2017-2022

ADRODDIAD MONITRO CERDYN SGORIO – CHWARTER 2 (2021/22)

1. CYFLWYNIAD

- 1.1 Mae Cynllun y Cyngor ar gyfer 2017 i 2022 yn nodi'r anghenion a'r blaenoriaethau lleol a'n hamcanion llesiant ar gyfer y cyfnod ar y cyd â'n Dogfen Gyflawni Flynyddol 2020-22.
- 1.2 Defnyddir yr adroddiad monitro hwn ar y cerdyn sgorio fel rhan o'r broses i fonitro llwyddiant ein Dangosyddion Perfformiad Allweddol (DPA), sef cyfuniad o ddangosyddion lleol a chenedlaethol, wrth i'r Cyngor ddarparu ei wasanaethau o ddydd i ddydd. Mae'r adroddiad hefyd yn dwyn sylw at unrhyw gamau lliniarol a nodwyd gan yr Uwch Dîm Arweinyddiaeth (UDA) i yrru a sicrhau gwelliannau.
- 1.3 Cytunwyd ar y dangosyddion sydd yn y cerdyn sgorio eleni yn ystod gweithdy a gynhaliwyd ar gyfer yr Aelodau Etholedig a'r Uwch Reolwyr ar 13^{eg} Gorffennaf 2021. Hwn yw'r cerdyn sgorio olaf ond un i gael ei gyttuno ar gyfer y Cyngor etholedig hwn cyn yr Etholiadau Llywodraeth Leol ym mis Mai 2022.
- 1.4 Mae'r cerdyn sgorio (atodiad 1) yn portreadu'r sefyllfa ar ddiwedd Chwarter 2 a bydd yn cael sylw pellach (ynghyd â'r adroddiad hwn) gan y Pwyllgor Sgriwtini Corfforaethol a'r Pwyllgor Gwaith yn ystod mis Tachwedd.

2. CONTEXT

- 2.1 Mae'r DPA monitro perfformiad yn parhau i fod wedi eu halinio â thri amcan llesiant strategol y Cyngor:
 - Amcan 1 – Sicrhau y gall pobl Ynys Môn ffynnu a gwireddu eu potensial tymor hir
 - Amcan 2 – Cefnogi oedolion a theuluoedd bregus i'w cadw'n ddiogel, yn iach ac mor annibynnol â phosib
 - Amcan 3 - Gweithio mewn partneriaeth â'n cymunedau i sicrhau eu bod yn gallu ymdopi'n effeithiol â newid a datblygiadau, wrth amddiffyn ein hamgylchedd naturiol
- 2.2 Ni fydd modd cyhoeddi gwybodaeth ar gyfer pob Dangosydd Perfformiad Allweddol pob chwarter oherwydd natur y dulliau casglu data. Yn y fath achosion, bydd nodyn yn dweud pa mor aml y mae'r DPA yn cael ei fonitro a phryd y bydd y data ar gael i'w gasglu, e.e. (blynyddol) (Ch4), (tymhorol) (Ch3).
- 2.3 Ailgychwynnodd y gwaith o gyhoeddi dangosyddion cenedlaethol Mesurau Atebolrwydd Perfformiad eleni. Fodd bynnag, nid oedd canlyniadau'r Mesurau Atebolrwydd Perfformiad ar gael ar ddechrau'r flwyddyn i helpu gyda'r broses o osod targedau. Felly cytunwyd ar dargedau ar gyfer y flwyddyn yn seiliedig ar berfformiad y flwyddyn flaenorol a hefyd yn seiliedig ar sut yr effeithiwyd arnynt oherwydd y pandemig Covid-19.

3. PERFFORMIAD IECHYD CORFFORAETHOL

- 3.1 Mae'n galonogol nodi bod mwyafrif (70%) y dangosyddion sy'n cael eu monitro yn parhau i berfformio'n dda yn erbyn eu targedau (Gwyrdd neu Felyn). Nodir rhai o'r uchafbwyntiau isod.
- 3.2 Mae presenoldeb yn y gwaith yn faes yr adroddir arno bob mis ac fe'i dadansoddir i sicrhau gwelliant. Ar gyfer eleni cytunwyd ar darged heriol o 8.75 diwrnod wedi'i golli oherwydd absenoldeb am bob gweithiwr cyfwerth ag amser llawn (CALI) yn dilyn colli 6.68 diwrnod oherwydd absenoldeb am bob gweithiwr cyfwerth ag amser llawn yn 2020/21. Mae'r targed yn 1 diwrnod a gollwyd i absenoldeb fesul CALI yn is na'r targed blaenorol o 9.75 diwrnod a gollwyd oherwydd absenoldeb fesul CALI.
- 3.3 Ar ddiwedd Ch2 mae'r Cyngor yn AMBR yn erbyn ei darged o 4.09 diwrnod wedi'i golli oherwydd absenoldeb am bob CALI yn erbyn targed o 3.81 diwrnod wedi'i golli oherwydd absenoldeb am bob CALI. Mae'r perfformiad hwn yn dal i fod fymryn yn is na'r lefelau a welwyd cyn y pandemig yn Ch2 2019/20 lle'r oedd 3.96 diwrnod wedi'i golli oherwydd absenoldeb fesul CALI. **Er cyd-destun, roedd y targed ar gyfer Ch2 am y ddwy flynedd ddiwethaf yn 4.25 diwrnod a gollwyd i absenoldeb fesul CALI, a heb y newid yn y targed eleni byddai'r perfformiad wedi bod yn Wyrdd.**
- 3.4 Roedd absenoldeb Tymor Hir (2.56 diwrnod a gollwyd fesul CALI) yn gyfrifol am 63% o'r holl ddiwrnodau a gollwyd hyd at ddiwedd Ch2. Er bod hyn yn nhermau canran yn is na'r amser yma llynedd (71% oherwydd tymor hir), mae'n gyfanswm o 0.67 diwrnod yn uwch a 0.13 diwrnod yn uwch na'r flwyddyn flaenorol o ran absenoldeb tymor hir (1.89 diwrnod a gollwyd fesul CALI yn 2020/21 a 2.43 diwrnod a gollwyd fesul CALI yn 2019/20).
- 3.5 Mae'r perfformiad hwn yn debygol o barhau i fod yn uwch na'r targed oherwydd yn draddodiadol mae presenoldeb yn gostwng yn ystod chwarter 3 a 4 oherwydd effeithiau tymhorol a all fod yn waeth eleni oherwydd y pwysau a ragwelir, fel y nodir gan Lywodraeth Cymru yn ei Gynllun Gofal Cymdeithasol ar gyfer Gaeaf 2021 –
- “Rydym yn disgwyl i'r gaeaf hwn fod yn un arbennig o anodd ac yn disgwyl gweld achosion o COVID yn parhau a blwyddyn waeth ar gyfer y fflw a firysau eraill y gaeaf oherwydd bod lefelau imiwnedd y boblogaeth yn is”.*
- 3.6 Mae ein strategaeth ddigidol wedi parhau i fod yn llwyddiannus yn ystod y pandemig. Mae'r cyfrifon Cyfryngau Cymdeithasol sy'n cael eu rheoli gan Wasanaethau'n parhau i gyrraedd pobl na fyddai, o bosib, wedi dilyn prif gyfrifon Cyngor Sir Ynys Môn. Gyda'i gilydd roedd gennym dros 92,000 o ddilynwyr ar ddiwedd chwarter 2.
- 3.7 Nid yw'r dangosyddion sy'n cael eu monitro gan yr adran Gwasanaeth Cwsmer yn amlygu unrhyw bryderon ac mae'r dangosyddion yn parhau i berfformio'n dda yn erbyn eu targedau ar y cyfan. Yr unig ddangosydd sy'n tanberfformio yn erbyn ei darged yw dangosydd 04b - cyfanswm % yr ymatebion ysgrifenedig i gwynion o fewn 15 diwrnod (Gwasanaethau

Cymdeithasol) - gyda pherfformiad o 58% yn erbyn targed o 80%. Mae natur gymhleth y cwynion hyn yn aml iawn yn golygu cyfraniad aml asiantaeth ac mae llwyddo i alinio'r wybodaeth cyn pen 15 diwrnod yn her reolaidd. Mae'r perfformiad hwn yn well na'r 50% a welwyd yn Ch1 ac mae'n galonogol bod 18 allan o'r 19 o gwynion a dderbyniwyd wedi cael eu trafod gyda'r achwynydd cyn pen 5 diwrnod.

- 3.8 Mae'r adran rheoli cyllid yn darogan tanwariant o £0.858m ar hyn o bryd ar gyfer y flwyddyn a fydd yn dod i ben ar 31 Mawrth 2022.
- 3.9 Mae tanwariant o £0.223m wedi'i ddarogan yng nghyllidebau gwasanaethau a rhagwelir tanwariant o £0.635m yn y gyllideb gorfforaethol. Disgwylir gor-gyflawniad o £0.019m ar y Dreth Gyngor safonol. Rhagwelir incwm dros ben o £0.652m ar Bremiwm y Dreth Gyngor. Mae'r cyllidebau Gwasanaethau Oedolion dan bwysau oherwydd y galw cynyddol ac o ganlyniad i drosglwyddo lleoliad costus o'r Gwasanaeth Plant. Mae'r Gwasanaeth Plant hefyd yn wynebu pwysau oherwydd y galw cynyddol.
- 3.10 Mae'r rhagolygon presennol a lefelau'r balansau cyffredinol yn rhoi'r Cyngor mewn sefyllfa gadarn yn ariannol. Fodd bynnag, mae Gwasanaethau'n debygol o wynebu costau cynyddol yn ystod ail hanner y flwydd yn a all ostwng y tanwariant a ragwelir. Dylid hefyd nodi bod yr Undebau Llafur wedi gwrthod y cynnig tâl terfynol o 1.75% a'u bod yn bwriadu cynnal pleidlais dros weithredu diwydiannol. Mae digon o arian wedi cael ei gynnwys yn y gyllideb ac wedi cael ei glustnodi o gronfeydd wrth gefn i gwrdd â dyfarniad cyflog o 1.75%, ond bydd unrhyw swm tu hwnt i'r ffigwr hwn yn gostwng y tanwariant a ragwelir ymhellach.
- 3.11 Bydd y galw ar wasanaethau hefyd yn effeithio ar wariant yn ystod ail hanner y flwyddyn. Fe all newidiadau sylweddol ddigwydd yn ystod y trydydd a'r pedwerydd chwarter, yn enwedig ym maes Gofal Cymdeithasol i Oedolion a Phrifyfyrdd, lle mae'r galw ar wasanaethau yn ddibynnol ar y tywydd. Mae Covid yn parhau i fod yn risg ac os bydd mwy o gyfyngiadau'n cael eu cyflwyno fe all costau gynyddu neu incwm leihau, er y bydd y mwyafrif yn dod o dan Gronfa Caledi Llywodraeth Cymru a fydd yn parhau tan ddiwedd y flwyddyn ariannol.
- 3.12 Mae'r tanwariant a ragwelir ar y Rhaglen Gyfalaf ar gyfer 2021/22 yw £17.879m, gyda'r swm hwn yn llithro, o bosib, i Raglen Gyfalaf 2022/23. Bydd y cyllid ar gyfer y llithriad hwn hefyd yn llithro i 2022/23 a bydd yn cael ei gymryd i ystyriaeth wrth gynhyrchu'r Datganiad ar y Strategaeth Rheoli Trysorlys, y Strategaeth Gyfalaf a'r Rhaglen Gyfalaf ar gyfer 2022/23.
- 3.13 Mae'r canlyniadau ar ddiwedd chwarter 2 a'r gwariant cysylltiedig a ragwelir yn dangos fod y mwyafrif o brosiectau ar darged i'w cwblhau o fewn y gyllideb. Mae Covid-19 yn parhau i gael effaith ar gynlluniau cyfalaf a chyflymder y gwaith, a hynny am nifer o resymau, ac yn barod disgwylir y bydd llithriad mewn nifer o'r cynlluniau. Mae'r Cyngor wedi sicrhau nifer o wahanol grantiau allanol ac mae gwaith yn mynd rhagddo'n dda ar y rhan fwyaf o'r cynlluniau hyn, neu disgwylir i hynny ddigwydd. Yn ogystal, mae'r

Cyngor yn disgwyl derbyn £1.646m o Dderbyniadau Cyfalaf yn 2020/21 i gyfrannu tuag at ariannu'r Rhaglen Gyfalaf.

- 3.14 Mae rhagor o wybodaeth ar reolaeth ariannol ar gael yn yr 'Adroddiad Monitro Cyllideb Refeniw ar gyfer Ch2' a'r 'Adroddiad Monitro Cyllideb Cyfalaf ar gyfer Ch2' a fydd yn cael ei drafod gan y Pwyllgor Gwaith yn ei gyfarfod ar 29^{ain} o Dachwedd.
- 3.15 Mae hyn yn dangos y gellir rhoi sicrwydd rhesymol drwy ddadansoddi cardiau sgorio bod gweithgareddau dydd i ddydd y Cyngor, o ran rheoli ei bobl, ei gyllid a gwasanaethu ei gwsmeriaid, yn cael eu cyflawni yn erbyn ei ddisgwyliadau i safon sy'n briodol ac y cytunwyd arni gan yr Aelodau. Mae hyn hefyd yn adlewyrchu'r ffaith bod y dangosyddion, o bersbectif rheoli perfformiad, hefyd yn arddangos perfformiad boddhaol.

4. RHEOLI PERFFORMIAD

- 4.1 Mae perfformiad y dangosyddion sy'n cael eu monitro gan yr adran rheoli perfformiad wedi bod yn dda ac am y tro cyntaf er dechrau'r pandemig. Mae'n galonogol nodi nad oedd gan ddau o'r Amcanion Llesiant yr un dangosydd a oedd yn tanberfformio'n ambr neu'n goch yn erbyn y targed a osodwyd.
- 4.2 Ar ddiwedd Ch2 mae'n galonogol nodi bod mwyafrif y dangosyddion perfformiad (84%) yn perfformio'n uwch na'u targed neu o fewn 5% i'w targed.
- 4.3 Mae'r dangosyddion a gafodd eu monitro yn ystod Ch2 yn erbyn **Amcan Llesiant 1**, lle'r ydym yn gweithio i sicrhau y gall pobl Ynys Môn ffynnu a gwireddu eu potensial tymor hir, yn perfformio'n dda ac yn uwch na'r targed ac yn Wyrdd ar gyfer y cyfnod.
- 4.4 Mae perfformid yn erbyn y dangosyddion ar gyfer **Amcan Llesiant 2**, lle'r ydym yn cynorthwyo oedolion a theuluoedd bregus i'w cadw'n ddiogel, iach ac mor annibynnol â phosibl, yn dangos perfformiad da unwaith eto. Dim ond tri dangosydd (20%) sydd yn Felyn ac mae'r 12 dangosydd arall (80%) yn Wyrdd yn erbyn eu targedau a dim ond 6 dangosydd sydd yn dangos gostyngiad mewn perfformiad o'i gymharu â Ch1.
- 4.5 Er bod yn rhaid bod yn ymwybodol o'r gostyngiad ac y gofynnir i wasanaethau gadw llygaid arno, mae'r sefyllfa'n galonogol wrth inni nesáu at fisoedd y gaeaf yn Ch3 a 4.
- 4.6 Mae gan **Amcan Llesiant 3**, lle'r ydym yn gweithio mewn partneriaeth gyda'n cymunedau i sicrhau y gallant ymdopi'n effeithiol gyda newidiadau a datblygiadau wrth amddiffyn ein hamgylchedd naturiol, bedwar dangosydd perfformiad allweddol ychwanegol. Defnyddir y dangosyddion perfformiad allweddol hyn i fesur ôl troed carbon Fflyd a milltiroedd busnes y Cyngor. Fe'i defnyddir er gwybodaeth yn unig eleni a byddwn yn cytuno ar dargedau ar gyfer Cerdyn Sgorio 2022/23.

4.7 Cymysg fu perfformiad cyffredinol y dangosyddion ar gyfer **Amcan Llesiant 3** gyda 57% o'r rhai â thargedau yn tanberfformio. Nodwn fodd bynnag bod pedwar dangosydd yn tanberfformio yn erbyn eu targedau ac maent wedi'u hamlygu'n Goch neu'n Ambr ar y Cerdyn Sgorio.

4.7.1 Dangosydd 32 - Canran y gwastraff wedi'i aildddefnyddio, ailgylchu neu gompostio - sydd yn GOCH gyda pherfformiad o 60.88% yn erbyn targed o 70% ar gyfer y chwarter. Mae'r perfformiad hwn yn is na'r 69% a welwyd yn Ch2 2020/21 a'r 72.84% a welwyd yn Ch2 2019/20

Nodir bod y perfformiad ar ddiwedd chwarter 2 yn ostyngiad sylweddol, fodd bynnag mae sawl rheswm dros hyn o'i gymharu â'r blynyddoedd blaenorol. Fel y nodwyd yn yr adroddiad ar gyfer chwarter 1, mae'r pandemig Covid-19 yn dal i effeithio ar y ffigwr gwastraff sy'n cael ei aildddefnyddio, ailgylchu neu gompostio. Gellir nodi rhesymau pellach dros y dirywiad fel a ganlyn -

- Mae'r gostyngiad yn y defnydd a wneir o'n Canolfannau Ailgylchu Gwastraff Domestig
- Cynnydd mewn gwastraff bin du wrth i bobl barhau i weithio o'r cartref (nodwch fod y tunelledd bin du a gasglwyd bron i 1,700 tonnall yn uwch ar gyfer y ddau chwarter cyntaf 2021/22 o'i gymharu â lefelau cyn-covid yn 2019/20),
- Cynnydd mewn gwastraff biniau duon o'r cartref yn gysylltiedig â chynnydd yn y nifer yr ymwelwyr i'r Ynys, gyda llawer yn dod o ardaloedd lle mae eu cyfraddau ailgylchu yn is,
- Mae rhywfaint o wastraff gwyrdd hefyd yn cael ei roi yn y biniau du, er bod y nifer y tanysgrifiadau a gofnodwyd yn uchel, roedd y tunelledd gwastraff gwyrdd a gasglwyd yn 1,400 tonnall yn llai ar gyfer y ddau chwarter cyntaf 2021/22 o'i gymharu â'r un cyfnod yn 2020/21.

Mae'r ffactorau ychwanegol sydd wedi effeithio ar berfformiad yn cynnwys dod o hyd i allfeydd i ailgylchu'r gwastraff coed a gesglir yn ein Canolfannau Ailgylchu Gwastraff Domestig. I liniaru'r mater hwn, rydym yn cydweithio gyda WRAP Cymru i ddod o hyd i farchnadoedd eraill ar gyfer ailgylchu gwastraff coed yn hytrach na'i anfon i gael ei droi'n fïomas (llosgi) sydd rhoi **dim** allbwn ailgylchu.

Fodd bynnag, rydym wedi dod o hyd i allfeydd i ailgylchu ein carpedi a matresi a oedd yn fater a godwyd yn yr adroddiad ar gyfer chwarter 1.

Effaith sylweddol arall ar y perfformiad ailgylchu yn ystod chwarter 2 oedd y broses o ddelio â gwastraff gwyrdd. Mae'r broses yn golygu casglu gwastraff gwyrdd a'i dorri a'i gompostio, gadael iddo aeddfedu ac yna'i sgrinio i gynhyrchu gwellhâwr pridd. Yn ystod y broses hidlo a phuro, sy'n cymryd misoedd / blynyddoedd, cynhyrchir gwastraff na ellir mo'i ailgylchu - gelwir hyn yn orfaint compostio caeedig. Yn ystod Ch2, roedd lefel y gorfaint compostio caeedig ar ein safle compostio mor sylweddol fel y bu'n rhaid ei anfon i Barc Adfer a ychwanegodd at y tunelledd gwastraff gweddilliol a gofnodwyd.

Mae'r rhain yn faterion sy'n cael eu gorchwyllo gan y grŵp llywio a sefydlwyd yn ystod Ch1, ac sydd yn cynnwys cynrychiolwyr o WRAP Cymru, CLILC ac aelod etholedig o'r Pwyllgor Sgriwtini Corfforaethol. Maent yn y broses o ddadansoddi'r data sydd ar gael a datblygu opsiynau ar y ffordd orau o gyrraedd y targed o 70% erbyn 2025. Blaenoriaeth uniongyrchol y Cyngor yw cyrraedd y targed ailgylchu statudol cyfredol o 64% ar gyfer 2021/22.

Wrth edrych ymlaen, y gofyniad tymor hwy fydd cyrraedd y targed ailgylchu 70% statudol erbyn 2024/25.

- 4.7.2 Dangosydd 34 - Y cilogramau o wastraff gweddilliol a gynhyrchir fesul person - sydd yn Ambr gyda pherfformiad o 131kg yn erbyn targed o 120kg.

Yn debyg i'r materion a nodwyd uchod, mae'r pandemig wedi effeithio ar y dangosydd hwn gan fod mwy o bobl yn gweithio o'r cartref ac yn rhannol oherwydd bod rhywfaint o wastraff gwyrdd yn cael ei roi yn y bin du gan rheiny sydd wedi dewis peidio â thalu'r ffi gwastraff gwyrdd.

Mae'r mesurau lliniarol a nodwyd ar gyfer dangosydd 32 hefyd yn berthnasol i'r dangosydd hwn.

- 4.7.3 Dangosydd 35 – Canran yr holl geisiadau cynllunio a benderfynwyd o fewn yr amser – sydd yn GOCH gyda 73% yn erbyn targed o 82%.

Nid yw perfformiad mewn perthynas â phenderfynu ar geisiadau cynllunio wedi gostwng yn ystod Ch2 - gyda nifer y ceisiadau a benderfynwyd o fewn yr amserlenni disgwylidiedig yn aros ar 73%.

Mae'r cynnydd a welwyd yn nifer y ceisiadau cynllunio ers dechrau'r pandemig Covid yn parhau, ac felly mae pwysau a galw ychwanegol ar weithlu eithaf bach (a oedd eisoes yn wynebu cronïad o geisiadau hanesyddol). Yn ystod y cyfnod rhwng Ch1 a Ch2, penodwyd uwch reolwr newydd gyda chyfrifoldeb dros Reoli Datblygu, ac mae'r prosesau i recriwtio i'r swyddi gwag yn y Tîm yn mynd rhagddynt.

Mae'r ymdrechion i atgyfnerthu'r capasiti a gwydnwch yr adran Gynllunio yn parhau (yn cynnwys dod o hyd i gymorth allanol i ddarparu capasiti ychwanegol). Disgwylir i berfformiad wella unwaith y bydd y capasiti ychwanegol yn gweithio'n effeithiol – fodd bynnag mae effaith y cynnydd mewn ceisiadau cynllunio (o'i gymharu â'r llynedd) yn arwyddocaol.

- 4.7.4 Dangosydd 36 – Canran yr apeliadau cynllunio a wrthodwyd – sydd yn GOCH gyda pherfformiad o 43% yn erbyn targed o 65%.

Mae'r dangosydd hwn yn ymdrin â niferoedd bychan iawn, ac ar ddiwedd y chwarter hwn mae'r tanberfformiad o ganlyniad i gadarnhau 3 allan o 7 apêl cynllunio. Dylid nodi nad yw penderfyniadau apêl yn cael eu gwneud gan yr awdurdod cynllunio lleol.

Mae hyfforddiant ar gyfer aelodau'r Pwyllgor Cynllunio ar y gweill i bwysleisio'r angen am benderfyniadau cadarn os ydynt yn groes i gyngor proffesiynol y swyddogion. Byddwn hefyd yn parhau i fonitro penderfyniadau apêl yn ymwneud â cheisiadau tebyg i geisio dod o hyd i unrhyw dueddiadau i amlygu unrhyw batrymau sy'n datblygu lle dylem ailedrych ar ein dehongliad o'n polisïau cynllunio lleol.

5. ARGYMHELLION

- 5.1 Gofynnir i'r Pwyllgor graffu ar y cerdyn sgorio a nodi'r meysydd y mae'r Uwch Dîm Arweinyddiaeth yn eu rheoli i sicrhau gwelliannau i'r dyfodol.
- 5.2 Gellir crynhoi'r rhain fel a ganlyn –
 - 5.2.1 Cydnabod a rheoli tanberfformiad a chymryd camau lliniaru i gynorthwyo gwelliant yn ystod Ch3 a chadw llygaid barcud ar y dangosyddion a effeithir arnynt gan bandemig y coronafeirws ar hyn o bryd.
- 5.3 Gofynnir i'r pwyllgor dderbyn y mesurau lliniaru a amlinellir uchod.

Atodiad A - Cerdyn Sgorio Corfforaethol - Corporate Scorecard Ch-Q2 2021/22

Rheoli Perfformiad / Performance Management	CAG / RAG	Tuedd / Trend	Canlyniad / Actual	Targed / Target	Targed BI / Year Target	Canlyniad 20/21 Result	Canlyniad 19/20 Result
Amcan 1 - Sicrhau bod pobl Ynys Môn yn gallu ffynnu a chyflawni eu potensial tymor hir							
1) Canran presenoldeb disgyblion mewn ysgolion cynradd (tymhorol) (Ch3)	-	-	-	-	94.60%	-	94.90%
2) Canran presenoldeb disgyblion mewn ysgolion uwchradd (tymhorol) (Ch3)	-	-	-	-	93.90%	-	93.90%
3) Canran gadawyr Blwyddyn 11 nad ydynt mewn addysg, hyfforddiant neu gyflogaeth [NEET] (blynyddol) (Ch4)	-	-	-	-	3%	4.2%	2%
4) Canran y disgyblion a aseswyd yn y Gymraeg ar ddiwedd y Cyfnod Syflaen (blynyddol) (Ch4)	-	-	-	-	85%	-	87.50%
5) Canran y disgyblion blwyddyn 11 sy'n astudio'r Gymraeg [iaith gyntaf] (blynyddol) (Ch4)	-	-	-	-	65%	-	65.01%
6) Canran y Dangosyddion Ansawdd (â thargedau) a gyflawnwyd gan y gwasanaeth llyfrgelloedd (blynyddol) (Ch3)	-	-	-	-	75%	-	75%
7) Canran y sefydliadau bwyd sy'n cyrraedd safonau hylendid bwyd	Gwyrdd / Green	➡	98%	95%	95%	98%	98%
9) Canran cleientiaid NERS a gwblhaodd y rhaglen ymarfer corff (Ch3)	-	-	-	50%	50%	-	75%
10) Canran cleientiaid NERS yr oedd eu hiechyd wedi gwella wrth gwblhau'r rhaglen ymarfer corff (Ch3)	-	-	-	80%	80%	-	84%
11) Nifer o eiddo preifat gwag wedi'u adfer i ddefnydd	Gwyrdd / Green	⬆	54	25	50	94	104
12) Nifer y cartrefi newydd a grewyd o ganlyniad i ddechrau aildddefnyddio eiddo gwag	-	-	0	0	3	9	7
13) Gwasanaethau landlordiaid: Nifer y diwrnodau ar gyfartaledd i cwblhau atgyweiriadau	Gwyrdd / Green	⬇	11.95	18	18	8.1	16.44
14) Canran y tenantiaid sy'n fodlon gyda gwaith atgyweirio ymatebol (blynyddol) (Ch4) [Dangosydd Lleol]	-	-	-	-	-	-	
Amcan 2 - Cefnogi oedolion a theuluoedd bregus er mwyn eu cadw'n ddiogel, yn iach ac mor annibynnol â phosibl							
15) Cyfradd y bobl a gedwir yn yr ysbyty wrth aros am ofal cymdeithasol fesul 1,000 o'r boblogaeth 75+ oed (Ch3)	-	-	-	-	3	-	6.88
16) Canran yr ymholiadau ynghylch amddiffyn oedolion a gwblhawyd o fewn terfynau amser statudol	Gwyrdd / Green	⬆	94.57%	90%	90%	92.31%	91.30%
17) Canran yr oedolion a gwblhaodd gyfnod ail-alluogi ac nad oes ganddynt becyn gofal a chymorth 6 mis yn ddiweddarach	Gwyrdd / Green	⬆	64.49%	62%	62%	60.36%	63.08%
18) Cyfradd y bobl hŷn (65 mlwydd oed neu hŷn) y mae'r awdurdod yn eu cefnogi mewn cartrefi gofal fesul 1,000 o'r boblogaeth 65 oed neu hŷn ar 31 Mawrth [Dangosydd Lleol]	Gwyrdd / Green	⬇	15.14	19	19	15.36	17.57
19) Canran y rhai sy'n ofalwyr i oedolion a ofynnodd am asesiad neu adolygiad ac a gafodd asesiad neu adolygiad iddyn nhw eu hunain yn ystod y flwyddyn	Gwyrdd / Green	⬇	94.80%	93%	93%	98.20%	98.00%
20) Canran yr asesiadau plant a gwblhawyd o fewn amser	Gwyrdd / Green	⬆	92.93%	90%	90%	86.87%	89.62%
21) Canran y plant mewn gofal y bu'n rhaid iddynt symud 3 gwaith neu fwy	Gwyrdd / Green	⬇	4.23%	5%	10%	12.34%	8.39%
22) Canran y cyfeiriadau o blant sy'n cael eu hail-gyfeirio o fewn 12 mis [Dangosydd Lleol]	Gwyrdd / Green	⬆	3.85%	15%	15%	32.00%	12.75%
23) Cyfanswm yr amseroedd (mewn diwrnodau) a dreuliodd pob plentyn ar y CPR os cafodd ei dynnu oddi ar y CPR yn ystod y flwyddyn	Melyn / Yellow	⬇	305	270	270	258	224
24) Canran y cyfeiriadau yn ystod y flwyddyn lle caiff penderfyniad ei wneud o fewn 1 diwrnod gwaith	Gwyrdd / Green	⬆	99.31%	95%	95%	99.56%	98.88%
25) Canran yr ymweliadau statudol â phlant mewn gofal oedd i fod i ddigwydd yn ystod y flwyddyn, a gynhaliwyd yn unol â'r rheoliadau	Melyn / Yellow	⬇	87.87%	90%	90%	87.74%	86.30%
26) Canran y teuluoedd a ataliwyd yn llwyddiannus rhag mynd yn ddigartref	Gwyrdd / Green	⬆	81.58%	70%	70%	74.74%	74.91%
27) Canran y teuluoedd (gyda plant) a ataliwyd yn llwyddiannus rhag mynd yn ddigartref [Dangosydd Lleol]	Gwyrdd / Green	⬇	83.33%	70%	70%	75.47%	77.70%
28) Nifer y dyddiau calendr ar gyfartaledd a gymerwyd i ddarparu Grantiau Cyfeusterau i'r Anabl	Melyn / Yellow	⬆	177	170	170	169	159.58
29) Nifer cyfartalog y dyddiau calendr a gymerwyd i osod unedau llety sy'n rhai y mae modd eu gosod (ac eithrio Eiddo Anodd eu Gosod)	Gwyrdd / Green	⬆	34.6	40	40	45.6	21.9
30) Gwasanaethau landlordiaid: Canran y rhent wedi'i golli o ganlyniad i eiddo fod yn wag	Gwyrdd / Green	⬆	1.68%	2.00%	-	1.98%	1.42%
Amcan 3 - Gweithio gyda'n cymunedau er mwyn sicrhau eu bod yn gallu ymdopi'n effeithiol â newid a datblygiadau tra'n gwarchod ein hamgylchedd naturiol							
31) Canran y strydoedd sy'n lân	Gwyrdd / Green	⬇	96%	95%	95%	92.00%	93.79%
32) Canran y gwastraff wedi'u aildddefnyddio, ailgylchu a chompostio	Coch / Red	⬇	60.88%	70%	67%	62.96%	67.26%
33) Nifer cyfartalog y dyddiau gwaith a gymerwyd i glirio digwyddiadau tipio anghyfreithlon	Gwyrdd / Green	⬆	0.45	1	1	0.95	0.96
34) Cilogramau y gwastraff gweddilliol a eneradir fesul person	Ambr / Amber	⬇	131kg	120kg	240kg	214kg	206.17kg
35) Canran yr holl geisiadau cynllunio a benderfynwyd mewn pryd	Coch / Red	➡	73%	82%	82%	79%	90%
36) Canran yr apeliadau cynllunio a wrthodwyd	Coch / Red	⬇	43%	65%	65%	58%	78%
37) Canran yr achosion gorfodaeth cynllunio yr ymchwiliwyd iddynt o fewn 84 diwrnod	Gwyrdd / Green	⬆	93%	80%	80%	74%	74%
38) Canran y priif ffyrdd A sydd mewn cyflwr gwael (blynyddol) (Ch4)	-	-	-	3%	2.90%	4.60%	4%
39) Canran y ffyrdd B sydd mewn cyflwr gwael (blynyddol) (Ch4)	-	-	-	4%	3.80%	3.80%	3.80%
40) Canran y ffyrdd C sydd mewn cyflwr gwael (blynyddol) (Ch4)	-	-	-	9%	8.70%	8.50%	8.20%
41) Defnydd o danwydd ffosil bras gan fflyd y Cyngor (tCO2e)	-	-	231.8	-	-	-	-
42) Nifer y milltiroedd a deithiodd fflyd y Cyngor (milltiroedd)	-	-	742,600	-	-	1,254,419	1,969,871
43) Nifer y milltiroedd a deithiodd fflyd lwyd / gweithwyr y Cyngor (milltiroedd)	-	-	363,990	-	-	-	-
44) Newid net mewn Allyriadau Nwyon Tŷ Gwydr (tCO2e) - Fflyd y Cyngor (Blynyddol) (%)	-	-	-	-	-	-	-

Coch - mwy na 10% yn is na'r targed a/neu angen ymyrraeth sylweddol Ambr - rhwng 5% a 10% yn is na'r targed a/neu angen rhywfaint o ymyrraeth
Melyn - o fewn 5% o'r targed Gwyrdd - ar darged neu'n uwch Mae saethau tuedd yn cynrychioli perfformiad chwarter ar chwarter Adroddir ar yr holl ddangosyddion uchod yn genedlaethol oni nodir yn

Atodiad A - Cerdyn Sgorio Corfforaethol - Corporate Scorecard Ch-Q2 2021/22

Gofal Cwsmer / Customer Service	CAG / RAG	Tuedd / Trend	Canlyniad / Actual	Targed / Target	Canlyniad 20/21 Result	Canlyniad 19/20 Result
Siarter Gofal Cwsmer / Customer Service Charter						
01) Nifer y cwynion a dderbyniwyd (ac eithrio Gwasanaethau Cymdeithasol)	Gwyrdd / Green	↓	24	24	43	67
02) Nifer y cwynion Cam 2 a dderbynnwyd ar gyfer Gwasanaethau Cymdeithasol			4	-	6	-
03) Nifer y Cwynion a gadarnhawyd / gadarnhawyd yn rhannol			9	-	8	-
04a) % o ymatebion ysgrifenedig o fewn 20 diwrnod (Corfforaethol)	Gwyrdd / Green	↑	91%	80%	88%	94%
04b) % o ymatebion ysgrifenedig o fewn 20 diwrnod (Gwasanaethau Cymdeithasol)	Coch / Red	↑	58%	80%	75%	-
05) Nifer y cwynion Cam 1 ar gyfer Gwasanaethau Cymdeithasol			19	-	24	-
06) Nifer o bryderon (ac eithrio Gwasanaethau Cymdeithasol)			75	-	104	136
07) Nifer o ganmolïaethau			318	-	662	618
08) % o Ceisiadau Rhyddid Gwybodaeth a Ymatebwyd o fewn yr Amserlen	Melyn / Yellow	↓	77%	80%	79.4%	82%
09) Boddhad Cwsmeriad i'r wasanaeth ffôn - l'w gadarnhau (Ch3)					-	
Newid Cyfrwng Digidol / Digital Service Shift						
10) Nifer o ddefnyddwyr AppMôn (blyneddol)	-	↑	45k	-	33.5k	15k
11) Nifer o adroddiadau a dderbyniwyd gan AppMôn	-	↑	37k	-	58k	10.8k
12) Nifer o daliadau dros y we	-	↓	14k	-	18.5k	13k
13) Nifer o daliadau dros y ffôn	-	↑	4.5k	-	7k	6.5k
14) Nifer o 'ddilynwyr' CSYM ar Cyfryngau Cymdeithasol	-	↑	92k	-	42k	33k
15) Nifer o ymwelwyr i wefan y Cyngor	-	↓	440k	-	1.03M	783k

Rheoli Pobl / People Management	CAG / RAG	Tuedd / Trend	Canlyniad / Actual	Targed / Target	Canlynia d 20/21 Result	Canlyniad 19/20 Result
01) Nifer y staff yr awdurdod cyfan, gan gynnwys athrawon a staff mewn ysgolion (FTE)	-	-	2177	-	2180	2181
02) Absenoldeb Salwch - dyddiau / shiftiau gwaith cyfartalog a gollwyd fesul FTE	Ambr / Amber	↓	4.09	-	6.68	9.4
03) Salwch Tymor Byr - dyddiau / shiftiau gwaith cyfartalog a gollwyd fesul FTE	-	-	1.53	-	1.94	4.2
04) Salwch Tymor Hir - dyddiau / shiftiau gwaith cyfartalog a gollwyd fesul FTE	-	-	2.56	-	4.74	5.2
05) Gweithwyr yr Awdurdod Lleol yn gadael (%) (Trosiant) (Blyneddol) (Ch4)	-	-	-	-	6%	9%

Rheolaeth Ariannol / Financial Management	CAG / RAG	Tuedd / Trend	Cyllideb / Budget	Canlyniad / Actual	Amrywia nt / Variance (%)	Rhagolygon o'r Gwariant / Forcasted Actual	Amrywiant a Ragwelir / Forcasted Variance (%)
01) Y gyllideb o gymharu â Ffigyrau Gwirioneddol	Coch / Red	-	£69,544,000	£70,040,000	0.71%	-	-
02) Alldro diwedd blwyddyn a ragwelir (Refeniw)	Coch / Red	-	£147,120,000	-	-	£146,262,000	-0.58%
03) Alldro diwedd blwyddyn a ragwelir (Cyfalaf)	-	-	£34,386,000	-	-	£25,427,000	-26.05%
04) Incwm o gymharu â Thargedau (ac eithrio grantiau)	Gwyrdd / Green	-	-£645,199	-£6,916,096	7.16%	-	-
05) Swm a fenthycwyd	Gwyrdd / Green	-	£7,188,000	-	-	£7,352,000	2.28%
06) Chost benthyca	Gwyrdd / Green	-	£455,756	-	-	£4,118,627	-9.50%
07) % of y Dreth Gyngor a gasglwyd (am y 3 blynedd ddiwethaf)	Melyn / Yellow	-	-	98.44%	-	-	-
08) % y Trethi Busnes a gasglwyd (am y 3 blynedd ddiwethaf)	Gwyrdd / Green	-	-	99.15%	-	-	-
09) % y Rhent Tai a gasglwyd (am y 3 blynedd ddiwethaf)	Melyn / Yellow	⇒	-	100.5%	-	-	-
10) % y Rhent Tai a gasglwyd heb gynnwys taliadau budd-dal (am y 3 blynedd ddiwethaf)	-	⇒	-	101.1%	-	-	-